vierdte vnd sechste Buch darvon gelesen hat; in welchem letzten vnter andern auch jhr Sohn Marcellus/ der im sechzehenden Jahre todes verbliechen/ mit solchen Worten berühret wird/ daß die Eltern vor grossem weinen den Poeten stille zu schweigen vermahnen musten.¹³

Den Horatius betreffende/ so haben wir noch etwas vong Schreiben/ darinnen jhn der leutselige Herr zu seinem Secretar begehret/ vnnd vnter andern
saget/ ob gleich Horatius seine Freundschafft hoffertiger weise ausgeschlagen
hette/ daß er jhm dennoch nicht wolte wieder gramh seyn. Sonsten spricht er
an einem Orte zu jhm: Wisse/ daß ich mit dir zürne/ weil du meiner in deinen
Schrifften nicht zum öfftern erwehnest. Fürchtest du/ es [a iij r] werde dir bey
den Nachkommenen eine Schande seyn/ daß du dich so gemeine mit vns
gemacht habest?¹⁴

Daß Ovidius/ als ein gelehrter höfflicher Edelman/ in Gnaden gewesen/ ist aus seiner Vngnade zu sehen: Denn er ohne grosse Kundschafft bey Hofe in dieselbte nicht gerathen were.

Jm vbrigen/ so hat der weise Fürst auch des Apollo vnnd der Musen Tempel¹⁵ bloß darumb auffgebawet/ daß die Poeten vnnd Redner darinnen sich vben/ vnnd jhre Sachen ablesen köndten. Sind derowegen vber die obgenandten/ Propertius/ Bassus/¹⁶ Tibullus/ vnd andere schöne Gemüter hauffenweise herfür gebrochen/ vnd haben die Poeterey so hoch getrieben/ daß sie nachmals entweder also verbleiben/¹ oder nothwenig geringer werden müssen.

Tiberius solte sampt mehren seines gleichen mit stillschweigen vbergangen werden/ wann nicht von guten Leuten offte was böses/ vnnd von bösen auch was gutes verübet würde. Dieser hat Griechische vnnd Lateinische Vers getichtet/ vnd ist Poeten so hold gewesen/ daß jhm die Gelehrten jhre Sachen in grosser Menge zugeschrieben haben. Griechisch aber vnter Latein zu mischen (wie in vnserer Sprache) ein vbeler Gebrauch ist) hat er so sehr vermieden/ daß er auch eines 19/4 als er etwas auff Römisch zu geben im Rathe nicht vermochte/ vmb Verzeihung gebeten/ daß er sich eines frembden Wortes gebrauchen muste. An welcher Tugend Ewre Fürstl. Gnade jhme so ähnlich ist/ als sie jhm vnähnlich ist an dem jenigen/ was von Regenten fürnemlich erfordert wird.

Ferner Claudius war so vnachtsam vnd fast blöde/ daß seine Mutter Antonia von jhm gesaget hatte/ die Natur hette jhn nicht ausgearbeitet/ sondern nur angefangen;²¹ ja daß jhn seine Leute/ wann er zuweilen vher Tische eingeschlaffen ist^m/ mit Oliven- vnnd Daddelkernⁿ geworffen haben: ²² doch hielt er die Poeten so werth/ daß er/ als er ohn gefehr im Spatzierengehen auff dem Pallaste/ laut reden vnd schreyen hörete/ vnd jhm gesaget ward/ der Nonius lese seine Vers/ geschwinde vnd vnversehens hingieng/ vnd einen Zuhörer gabe.²³ Zu Lyon in Franckreich stifftete er vnter den Rednern vnd Poeten bey des Augustus Altare eine stattliche Vbung/ vnnd satzte vor die so gewinnen oder verlieren würden gewisse Verehrung vnd [a iij v] Straffen aus.²⁴ Den^o Homerus wuste er^p bey aller Gelegenheit her zu sagen:²⁵ wiewol er sonsten so vnbedächtig vnd vergeßlich war/ daß er viel/ welchen er zuvor den Kopff nehmen lassen/ auff den andern Tag hernach zu der Taffel vnd auff ein